

**ՀԱՅՈՑ ՑԵՂԱՍՊԱՆՈՒԹՅՈՒՆԸ ՕՍՄԱՆՅԱՆ ԹՈՒՐԻՔԻԱՅՈՒՄ  
ԵՎ ՄԵԾ ԲՐԻՏԱՆԻԱՅԻ ՌԱԶՄԱԴԻՎԱՆԱԳԻՏՈՒԹՅՈՒՆԸ  
(1915-1916թթ.)**

ՍԱՐՈՒԽԱՆՅԱՆ Տ. Ն.

Առաջին աշխարհամարտի սկիզբը կանխորոշեց և պայմանավորեց երիտթուրք ջարդարարների կողմից կանխապես մշակված ողջ Օսմանյան թուրքիայի տարածքում բնակվող հայ ազգաբնակչության ընաջնջման կազմակերպումն ու իրականացումը: Պատմագրության մեջ գոյություն չունի միանշանակ տեսակետ, թե ի վերջո, ե՞րբ ոճրագործ երիտթուրք ջարդարարները գործողության մեջ դրեցին այդ ծրագիրը՝ հրահանգավորելով թուրքիայի ողջ տարածքում բնակվող հայ տարրի ցեղասպանության սկիզբը: Ընդհանուր շրջանառության մեջ դրված՝ 1915թ. ապրիլի 15-ի էնվերի, Թալեաթի և Նազըմի հրամանը՝ արձակված Արևմտյան Հայաստանի և Կիլիկիայի ղեկավարներին՝ «...որևէ հաշտության սեղանի վրա, որևէ ձևով Հայկական հարցի դրվելու կանխելու համար, որոշեցինք վերջնականապես լուծել այն՝ ընաջնջելով այդ անհարազատ տարրը»<sup>1</sup>, հարց է առաջացնում ինչու՞ համընդհանուր սպանող սկսվեց ապրիլին և ոչ ավելի վաղ: Դրանից քիչ անց, ապրիլի 24-ին, սկսվեց 800 հայ մտավորականների՝ խորհրդարանի անդամների, թերթերի խմբագիրների, բարձրաստիճան եկեղեցականների, գրողների, ուսուցիչների ձերբակալումը, բռնագաղթը, այնուհետև ամենադաժան միջոցներով սպանողը: Ազգի հոգևոր գլխատումն էլ հետագայում պայմանավորեց Մեծ եղեռնի զոհերի հիշատակի օրվա սահմանումը<sup>2</sup>: Համաձայն որոշ փաստերի, ապրիլի 24-ին միայն 4. Պոլսում իրականացված հայ մտավորականաբան և ոչնչացմանը զոհ են գնացել 2345 մարդ<sup>3</sup>:

Զեյթունի և Կիլիկիայի հայության տեղահանման նպատակով դեպի այդ շրջանը Հալեպից թուրքական զորամասերը ճանապարհ էին ընկել դեռևս մարտի կեսերին, իսկ տեղահանումը սկսվեց և իրականացվեց ապրիլի 8-10-ը: Այս և նմանօրինակ ոճիրների վերաբերյալ ժամանակագրական հղումները օգնում են պատասխանելու վերը բարձրացված հարցին: Այն սերտորեն կապված է տերությունների, մասնավորապես Օսմանյան կայսրության նկատմամբ Անգլիայի վարած ռազմադիվանագիտական քաղաքականության և այն բարենպաստ պայմանների հետ, որն այդ ռազմադիվանագիտությունն ընձեռեց երիտթուրք ոճրագործներին՝ կենսագործելու իրենց ծրագիրը ցեղասպանությունը:

Ռազմադիվանագիտական այդ տապալված արկածախնդրությունը Առաջին աշխարհամարտի ընթացքում թուրքիայի դեմ անգլիացիների նախաձեռնած Դարդանելի ռազմական արշավանքն էր:

<sup>1</sup> Bryce J. and Toynbee A., *The Treatment of Armenians in the Ottoman Empire, 1915-1916. Documents presented to Viscount Grey of Fallodon, Secretary of State for Foreign Affairs*, London, 1916, p. 2.

<sup>2</sup> Adalian Rouben P., *Remembrance and Understanding the Armenian Genocide*, Yerevan, 1995, p. 17, նաև՝ Худавердян К., Саакян Р., *Геноцид армян сквозь призму десятилетия*, Е., 1995, с. 24-25.

<sup>3</sup> Dadrian Vahakn N., *The History of the Armenian Genocide*, p. 221, նաև՝ Uras E., *Tarihte Ermeniler ve Ermeni Meselesi*, Istanbul, 1976, p. 612.

Թուրք սոցիոլոգ Թաներ Աքչամի կարծիքով, Հայոց ցեղասպանության իրականացման մեխանիզմները և կառույցները ստեղծվեցին դեռևս 1914թ. օգոստոսի 2-ին, երբ «Իթթիհադ վե թերաքը» կուսակցության կենտրոնական կոմիտեի Հատուկ ժողովում որոշվել էր ստեղծել «Թեչքիլաթի մահսուսեն» («Հատուկ կազմակերպությունը»), որը գործում էր պաշտպանության նախարարության կազմում և դառնալու էր Հայերի ոչնչացման հիմնական և կործանիչ ուժը<sup>4</sup>։ Հատուկ կազմակերպության ստեղծման Հաջորդ օրը թուրքական իշխանությունները տարբեր փուլերով զորակոչեցին 18-60 տարեկան 60 000 Հայ տղամարդկանց՝ ծառայություն մատուցելու «ընդհանուր» օսմանյան Հայրենիքին։ Այս փաստը նույնպես գալիս է մեկ անգամ ևս մատնանշելու ոճրի ծրագրավորման և իրականացման դեռևս վաղ գաղափարական սաղմնավորման մասին<sup>5</sup>։ Այս քայլն առաջին հերթին ուղղված էր Հայ ազգաբնակչության մեջ դիմադրողականությունից վերացմանը։ Շինարարական զորամասեր և հիմնականում թուրքական բանակի ոչ մարտական ջոկատներ զորակոչված Հայ զինապարտների ոչնչացումը սկսվեց 1915թ. փետրվարին<sup>6</sup>, ճիշտ այն ժամանակ, երբ անգլիացիների նախաձեռնած՝ Դարդանեյի արշավանքը տիսուր վախճան ունեցավ վերջիններիս Համար։ Եթե Հայկական Հարցում XIX դ. վերջին և XX դ. սկզբին անգլիական ավանդական քաղաքականությունը պատճառ էր դարձել արևմտահայության տարերային, ոչ Համատարած կոտորածների Համար, ապա Առաջին աշխարհամարտում դառնալու էր ազգի Համընդհանուր և ծրագրավորված ընալնջմանը նպաստող գործոններից մեկը։ Նախասկիզբը, որքան էլ որ տարօրինակ թվա, Դարդանեյի արշավանքն էր և անգլիացիների խայտառակ պարտությունը։ Այս առթիվ «Армянский вестник»-ը գրում է. «Սարիղամիշի ջախջախումը, որը թուրքերի կողմից վերագրվում է Հայերին, ունեցավ ողբերգական հետևանքներ»։ Հայերի դեմ 1915թ. Հունվարին սկսվեցին Հալածանքները, Հայ զինվորներին զինաթափեցին ու ոչնչացրին։ Իրան Հաջորդեց Դարդանեյում անգլիացիների պարտությունը, որը Թուրքիային ներշնչեց Հաղթանակի Հույս, ուստի Հայերի դեմ ծրագրավորված ոճիրների իրականացման դեպքում՝ անպատժելիության գաղափար<sup>7</sup>։

Թուրքիային պատերազմ Հայտարարելուց անմիջապես հետո Ռուսաստանի դաշնակից Անգլիայի ռազմածովային ուժերի նախարար Ու. Ջերչիլը 1914թ. օգոստոսին Հայտնեց նեղուցները Հունական ուժերի միջոցով զրավելու գաղափարը<sup>8</sup>։ Նրա ընդդիմախոս ծովակալ Ֆիշերը նշում էր, որ Դարդանեյի ամրոցների վրա Հարձակումը որևէ Հաջողության Հույս չի կարող ներշնչել<sup>9</sup>, և դեպի Կ. Պոլիս առաջանալու Համար Հարկավոր է առնվազն 100 Հազար զինվոր, որ դա «փորձը փորձանք չէ» սկզբունքով առաջնորդվող արկածախնդրություն է։ Բ վերջո, անգլիական ռազմածովային ուժերի մասնագետները ստիպված էին

<sup>4</sup> Akcam Taner, *Dialogue Across an International Divide: Essays Towards Turkish-Armenian Dialogue*, Cambridge and Toronto, 2001, p. 44.

Худавердян К., Саакян Р., նշվ. աշխ., էջ 23:

<sup>5</sup> Adalian Rouben P., նշվ. աշխ., էջ 17:

Армянский вестник, 12. III. 1917, N 10-11, с. 15.

<sup>6</sup> Նույն տեղում:

<sup>7</sup> Churchill W., *World Crisis*, vol. II, London, 1929, p. 485-495.

<sup>10</sup> Fisher John, *Memoirs and Records*, vol. I, New York, 1920, p. 72 and 82, տե՛ս նաև Corbett Julian S., *Naval Operations*, vol. I, London, 1920, p. 154, տե՛ս նաև Grey Ed., *Twenty Five Years, 1892-1916*, vol. II, London, 1925, p. 78-80, տե՛ս նաև Churchill W., նշվ. աշխ., էջ 185-186:

տեղի տալ «նեղուցների տիրապետման» քաղաքական ցանկությունը, որի գլխավոր ջատագովը նախարար Ու. Ջերչիլն էր<sup>11</sup>։ Դարդանեյի դեմ ուղղված արշավանքի սկզբնական ծրագիրը ծովակալությունը կառավարությունը ներկայացրեց 1914թ. նոյեմբերի 25-ին՝ առժամանակ մնալով անուշադրության մեջ<sup>12</sup>։

1915թ. հունվարի սկզբին ռուսական բանակին կցված անգլիացի զենեյրալ Հենքերրի Վիլյամսին մեծ իշխան նիկոլայի հետ հանդիպման ժամանակ ծանուցում են, որ Թուրքիայի դեմ կռվող Կովկասյան ճակատի ռուսական բանակը օժանդակության կարիք է զգում<sup>13</sup>։ Արդեն հունվարի 2-ին Պետերբուրգում հավատարմագրված Անգլիայի դեսպան Ջորջ Բյուքանանը հեռագրում է Լոնդոն՝ նշելով, «որ մեծ իշխանը հարցնում է, թե արդյո՞ք լորդ Բիթչենների համար հնարավոր է մշակել Թուրքերի դեմ որևէ վայրում ծովային կամ ցամաքային գործողության իրականացում... ստիպել Թուրքերին՝ հեռացնելու իրենց ուժերի մի մասը», որն ուղղված էր Կովկասում ռուսների դեմ և ղրանով թեթևացնել վերջիններիս դրությունը<sup>14</sup>։ Հաջորդ օրը Ու. Ջերչիլին հղած գրության մեջ Բիթչենները նշում է, որ ինքը բացասաբար է վերաբերվում այն կարծիքին, որ «իրենք կարող են որևէ բան կատարել, որը շատ լրջորեն կարող է օգնել ռուսներին Կովկասում»<sup>15</sup>։ Այնուամենայնիվ, հունվարի 3-ին Լոնդոնից Բյուքանանին ուղղարկված նամակում պատվիրվում էր հավաստիացնել մեծ իշխանին, որ Թուրքերի դեմ իրականացվելու են ռազմական գործողություններ՝ ավելացնելով, որ դա ռուսներին շատ չնչին օժանդակություն է բերելու Կովկասում<sup>16</sup>։

Դեռևս 1914թ. նոյեմբերի սկզբներին Հայոց ազգային պատվիրակության նախագահ Պոգոս Նուբարը Եգիպտոսի անգլիական զինվորական իշխանություններին ներկայացրեց Թուրքիայի դեմ իրականացվելիք ռազմական գործողությունների մասին իր մտորումները, ըստ որում, առաջարկելով, «որպեսզի զորք հանվի Կիլիկիո ծովեզերքը Մերսինի և Ատանայի դաշտը», խոստանալով անգլիական բանակի տրամադրության տակ գնել «պետք եղած թվով և երկրին ծանոթ ու հավերժաներ, թարգմաններ և պրոպագանդիստներ»<sup>17</sup>։ Այս ամենը պետք է իր մասնաբաժինը բերեր դաշնակիցների հաղթանակին, պայմանով, որ հայ ժողովրդին տրամադրվելիք զենքն ու զինամթերքը պետք է ապահովեին դաշնակիցները։

Երբ ցեղասպանությունն արդեն ընթացքի մեջ էր, 1915թ. հուլիսի 15-ին Պոլոս Նուբարը Գևորգ V կաթողիկոսին հղած նամակում գրում է, որ իր ծրագիրը «Թուրքերը կհեղոքացնեն, ի դերև կանեն հայ տարրի բնաջնջման մասին Թուրքերու հետապնդած ծրագիրը, իսկ մյուս կողմն հայկական ապստամբական շարժումով ավելի կշիռ կբերեր Կիլիկիո մասին մեր ունեցած բաղձանքներուն»<sup>18</sup>։

<sup>11</sup> Fisher John, նշվ. աշխ., էջ 94։

<sup>12</sup> Howard Harry N., The Partition of Turkey. A Diplomatic History, 1913-1923, Norman, University of Oklahoma Press, 1931, p. 122.

<sup>13</sup> Williams J. H., The Emperor Nicholas as I Knew Him, London, 1922, p. 23-28.

<sup>14</sup> Arthur George, Life of Lord Kitchener, vol. III, New York, 1920, p. 100-101.

<sup>15</sup> Նույն տեղում։

<sup>16</sup> Churchill W., նշվ. աշխ., էջ 87։

<sup>17</sup> Հայաստանի Հանրապետության պատմության կենտրոնական պետական արխիվ, ֆ. 57, ց. 5, գ. 19, թ. 44-45։

<sup>18</sup> Նույն տեղում։

Սակայն, ինչպես պատմական բոլոր շրջաններում, այնպես էլ այժմ, անգլոֆոն սփական ռազմաքաղաքական դաշինքի ծրագրերը ոչ մի ընդհանրություն չունենին Հայ ժողովրդի հետամտած ազգային որևէ բաղձանքի հետ և, 1915թ. Հունվարի 13-ին անգլիական պատերազմական խորհուրդը որոշում կայացրեց գրոհել Դարգանները: Ծովակալությունը պետք է «նախապատրաստեր արշավանքը իրականացնել փետրվարին՝ ռմբակոծել և գրավել Գալիպոլիի թերակղզին՝ որպես նպատակ ունենալով Կ. Պոլիսը»<sup>19</sup>: Դարգանների վրա հարձակմամբ և Կ. Պոլիսի գրավմամբ Մեծ Բրիտանիան ակնկալում էր Թուրքիայի նկատմամբ իր համար ամենաբարենպաստ պայմաններով պատերազմի արագ ավարտ: Դրանով նա վերացնում էր Եգիպտոսին սպառնացող վտանգը, անվտանգ էր դարձնում Բալկանյան թերակղզին, արաբներին վերջնականապես կողմնորոշում էր դեպի Անգլիան և վերջակետ էր դնում Իտալիայի՝ Անտանտին միանալու երկարաձգվող գործընթացին<sup>20</sup> և, վերջապես, տիրանում էր Մերձավոր Արևելքում գերիշխանության տանող ճանապարհի հանգուցակետ Կ. Պոլսին:

Նախքան Դարգանների արշավանքը սկսելը, անգլիական կառավարության սեղանին էր դրվել ոչ միայն Ռազմածովային ուժերի նախարար Ու. Ջերչիլի (Ու. Ջերչիլ-Լ.Ջորջ) ծրագիրը, այլև դրան հակադիր Հերբերտ Հորացիուս Քիթչեններինը: Համաձայն առաջին ծրագրի, առաջարկվում էր «ռազմանավերով ճեղքել նեղուցները և նույն ատեն ցամաքահանում ընել Կալիփոլի», ապա սրընթաց գրավել Կ. Պոլիսը՝ նպատակ ունենալով ծովային անմիջական կապ հաստատել դաշնակից Ռուսաստանի հետ՝ Ավստրո-Հունգարական կայսրության դեմ Բալկաններում բանալով նոր ռազմաճակատ: Անգլիայի պաշտպանության նախարար Քիթչենները, անհնարին համարելով Կ. Պոլսի գրավումը, առաջարկում էր մի կողմ դնել «նեղուցներէն զարնելու ծրագիրը»: Ավելին, նա դուրսին էր համարում Իսկանդերի ծոցում ամրահանումը, այնտեղից անմիջապես Անտիոքի դաշտ խուժումը, ապա՝ առաջանալով Հյուսիս-արևելք՝ Դիարբեքի և Վանի վիլայեթներում ռուսական բանակներին միացումը: Դաշնակիցները, Օսմանյան կայսրությունը բաժանելով երկու մասի, կմեկուսացնեին Ջեմալ փաշայի հարավային բանակը և ռուսական բանակի հետ մտնելով Անատոլիա՝ անկաշկանդ կերպով ցամաքից անարգել կգրավեին Կ. Պոլիսը և կապահովեին պատերազմում Թուրքիայի պարտությունը՝ անվերապա պայմաններով: Անգլիայի հետամտած արտաքին քաղաքական այլ նպատակների պատճառով, սակայն, կառավարությունը Հունվարի 13-ի ֆվեբրուարյան, մեկ-երկու ձայների տարբերությամբ «որդեգրեց Ջերչիլ-Լոյտ Ջորջի առաջարկը և ընթացավ դեպի աղետ»<sup>21</sup>: Այդ մեկ-երկու ձայներն էին, որ «կնքած եղան արևմտահայ զանգվածներու ճակատագիրը»<sup>22</sup>:

Անգլիական կառավարության ծրագրի վերաբերյալ ռուսական կողմը տեղեկացվեց որոշումն ընդունելուց մի քանի օր անց՝ Հունվարի 19-ին<sup>23</sup>: Հանկարծակիի եկած Ռուսաստանի արտաքին գործերի նախարար Սազոնովը դաշնակցին խնդրեց հետագա արշավանքում ապահովել ռուսական ռազմածովային ուժերի համապատասխան մասնակցությունը, եթե ոչ՝ հետաձգել արշավանքը՝

<sup>19</sup> Howard Harry N., նշվ. աշխ., էջ 122:

<sup>20</sup> Նույն տեղում, էջ 121:

<sup>21</sup> Ահարոնյան Գերսամ, Մեծ երազի ճամփուն վրա, Լոս-Անջելես, 1986, էջ

61:

<sup>22</sup> Ջարթոնք, 10. V. 1964:

<sup>23</sup> Churchill W., նշվ. աշխ., էջ 113-114:

Ռուսաստանի Հետ Համագործակցության փոխարեն Ու. Չերչիլը գտավ ղրա այլընտրանքը՝ Ֆրանսիայի մասնակցության երաշխիքը, որը ձեռք բերվեց 1915թ. փետրվարին<sup>25</sup>։ Դարդանելի ափերին անգլիական նավատորմի կործանումից Հետո էլ, ընդհուպ մինչև 1915թ. դեկտեմբերի 5-ը, Քիթչենները պնդում էր Ալեքսանդրեթի ափին ռազմական գործողությունների հաջողության վրա. այդ օրը Շանթիեում (Ֆրանսիա) կայացած դաշնակից երկրների գլխավոր հրամանատարների համաժողովում ֆրանսիական ճնշման ազդեցությամբ որոշվեց վերջնականապես հրաժարվել Քիթչենների ծրագրից՝ առաջնորդվելով «ֆրանսիական բանակը տնտեսելու և խնայելու դիրքորոշումով»<sup>26</sup>։ Քիթչենների ծրագիրը «Կիլիկիայի բնաջնջվող հայության համար էական, կենսական և հիմնական փրկարար նշանակություն» ուներ<sup>27</sup>։ Մեր կարծիքով, ոչ միայն այդ շրջանի հայությունը կկարողանար փրկվել ոչնչացումից, այլև ղրա հաջող կենսագործումը պարտված թուրքիային վերջնականապես դուրս կբերեր պատերազմից, և, այն ժամանակ, դժվար է թերագնահատել այն հնարավորությունները, որոնք կընձեռվեին հայ ժողովրդին՝ թուրքական դարավոր լծից ազատվելուց հետո։

Այնուամենայնիվ, Դարդանելի արշավանքն ընթացքի մեջ էր։ Ռազմական ծրագրի իրականացման համար անգլո-ֆրանսիական կողմը կենտրոնացրել էր 11 գծանավ, 1 գծային և 4 թեթև հածանավեր, 16 հեծելավաշտային ականակիրներ, 7 ականազերծիչ նավ, 1 հրետանավ։ Դարդանելի շրջակայքում թուրքերը, գերմանացիների հետ համատեղ, թշնամու դեմ դուրս էին բերել թուրքական 1 և 11 բանակները (200 հազար մարդ)։ Անգլո-ֆրանսիական 280 հրանոթներին հակակշռում էին թշնամու 200 հրանոթները։ 1915թ. փետրվարի 19-ից մինչև մարտի 18-ը իրար հաջորդող գրոհները դեպի Կ. Պոլիս ավարտվեցին պատմության մեջ աննախադեպ իրադարձությամբ՝ անգլիական ռազմածովային ուժերի պարտությունով<sup>28</sup>։ Անգլիական ռազմածովային ուժերի լավագույն մասնագետներից մեկը, նախքան արշավանքը կասկածելի համարելով ղրա հաջող ավարտը, նշել էր. «Նեղուցը չէր կրնար ճեղքվիլ, այլ մեծաթիվ մարտանավերով երկարատև գործողություններ միայն կրնային հաջողիլ», ավելացնելով, որ ձախողության պատիժը «պիտի ըլլար Արևելքի մեջ հեղինակության և ազդեցության այն մեծ կորուստը, որուն պիտի ենթարկվեր Անգլիա»<sup>29</sup>։ Մովակալի մարզարեությունն իրականացավ կատարյալ ճշգրտությամբ։ Թե ինչպիսի տագնապ էին ապրում երիտթուրքերը փետրվարյան այն օրերին, երբ անգլիական ռազմածովային նավատորմը ուժակոծում էր Կ. Պոլսի մատույցների թուրք-գերմանական ամրությունները, հիշատակում է Կ. Պոլսում հավատարմագրված՝ ԱՄՆ-ի դեսպան Հ. Մորգենթաունը։ Այդ օրերին այցելելով Թալեաթին, դիտելով նրա դեմքի վախի արտահայտությունը՝ Մորգենթաունը թվում էր, թե «Ադրիանուպոլսի նամակի ցրիչը կարծես հասած էր իր ասպարեզին վախճանին... և անգամ մըն ալ հայտնեց թե՛ կը ցավեր թուրքիայի պատերազմին մեջ մտնելուն»։ Հայոց ցեղասպանության ամենամեծագույն ոճրագործներից

<sup>25</sup> Churchill W., նշվ. աշխ., էջ 161-162։

<sup>26</sup> Գասպարյան Եր., Ֆրանսիան և Մեծ եղեռնը (1915-1918թթ.), Ե., 2000, էջ 46-53։

<sup>27</sup> Նույն տեղում, էջ 51։

<sup>28</sup> Հ ա ռ լ թ յ ու ն յ ա ն Ա . Հ ., Առաջին համաշխարհային պատերազմի ռազմադիմադրության պատմությունից (1914-1918թթ.), Ե., 1983, էջ 191-192։

<sup>29</sup> Ամերիկյան դեսպան Հենրի Մորգենթաունի հուշերը և Հայկական եղեռնի գաղտնիքները (այսուհետև՝ Հենրի Մորգենթաունի հուշերը), Ե., 1990, էջ 159, :

մեկին՝ Կ. Պոլսի ոստիկանապետ Բեդրիին հրահանգվել էր հավաքել քաղաքի բոլոր անգործ երիտասարդներին և դուրս տանել նրանց քաղաքից: Թուրքիայի մայրաքաղաքում թևածում էր հեղափոխության վտանգը: Համաձայն Հ. Մորգենթաուի, «Պետրի այդ հեղափոխությունն ավելի կը վախենար, քան անգլիական նավատորմիդեն»<sup>30</sup>:

Դեռևս պատերազմից առաջ, երբ էնվերն այցելել էր Լոնդոն և հանդիպել Ու. Չերչիլին, վերջինս սպառնացել էր, որ եթե Թուրքիան համալսարհային պատերազմի բռնկման դեպքում անցնի Գերմանիայի կողմը, ապա «բրիտանական նավատորմիդը պիտի անցներ Տարտանսելեն և Պոլսը պիտի գրավեր»<sup>31</sup>: Ու. Չերչիլը Թուրքիայի մայրաքաղաքի գրավումը դեռ վաղուց էր ծրագրում: «Չերչիլի դարգանքյան կամպանիան հիմնավորվում է երկու գործոնով. անգլո-ռուսական հին մրցակցությամբ և Մերձավոր արևելքում Մեծ Իրիտանիայի նոր նկրտումներով»<sup>32</sup>: Այս տեսանկյունից Հայ պատմագրության մեջ պատշաճ չի լուսաբանվել Ու. Չերչիլի՝ Հայոց ցեղասպանության և Հայկական Հարցում խաղացած բացասական դերը:

Դարդանելի արշավանքից հանկարծակիի եկած Սազոնովը 1915 թ. փետրվարի 19-ին, սպառնալիքներով լեցուն նամակով, գաշնակիցներից պահանջեց անգամ վերջիններիս հարձակման հաջողության դեպքում նեղուցները հանձնել Ռուսաստանին: Այս հարցում իր համաձայնության որոշումը Անգլիան հանձնեց փետրվարի վերջին, հետևյալ պայմանով՝ նեղուցները կհանձնի միայն պատերազմից հետո և, եթե Ռուսաստանը խոստանա անգլո-ֆրանսիական կողմին բաժին հանել ասիական Թուրքիայի հետպատերազմյան ժառանգությունից: Ռուսաստանը համաձայնվեց, իսկ Ֆրանսիան հարցադրմանը միացավ միայն մարտի վերջին<sup>33</sup>: Բայց, ինչպես հայտնի է, արյամբ նվաճածն անարյուն չեն հանձնում, հատկապես այդ չեն անում անգլիացիները:

Հայ ժողովրդի համար ճակատագրական այդ ռազմախաղը՝ Դարդանելի ռազմական ծրագիրը, պատերազմից հետո ընդհանրացրել է պատերազմի առաջին տարիներին Անգլիայի արտաքին գործերի նախարար Էդ. Գրեյը. «Անգլիական քաղաքականությունը միշտ էլ նպատակ է հետապնդել Ռուսաստանին թույլ չտալ մոտենալու Կ. Պոլսին և նեղուցներին. մենք դրա համար պայքարել ենք Ղրիմի պատերազմում... և դա էր մեր քաղաքականության հիմնական ուղղությունը Բիբոնսֆիլդի ղեկավարությամբ... Ներկայումս Անգլիան մտադիր է զավթել Կ. Պոլսը, այն հաշվով, որ երբ Անգլիան և Ֆրանսիան կարողանան Ռուսաստանի օգնությամբ շահել պատերազմը, խաղաղություն հաստատվելուց հետո Ռուսաստանը չստանա Կ. Պոլսը»<sup>34</sup>:

Մարտի 18-ին դաշնակցային նավատորմը ձեռնարկեց իր ամենահուժեղ, բայց վերջին գրոհը՝ կորցնելով 16 մարտանավերից 7-ը (3-ը ընկղմվեցին, իսկ

<sup>30</sup> Նույն տեղում, էջ 164-165:

<sup>31</sup> Նույն տեղում, էջ 173:

<sup>32</sup> Готлиб В., Тайная дипломатия во время первой мировой войны, М., 1960, с. 19.

<sup>33</sup> Արզումանյան Մ., Միջազգային դիվանագիտությունը և Հայկական Հարցը Առաջին համալսարհային պատերազմի ժամանակ (Բանբեր Հայաստանի արխիվների), Ե., 1969, № 1(22), էջ 113, նաև՝ Международные отношения в эпоху империализма. Документы из архивов царского и временного правительств, 1878-1917гг., М.-Л., 1939, серия III, т. VI, ч. I, N 329, с. 328-329.

<sup>34</sup> Grey Ed., նյվ. այլա., էջ 180:

4-ը վնասվեցին): Անհաջող գրոհից հետո թուրքերն ու գերմանացիները դեռ մի քանի օր սպասում էին, որ դաշնակիցների նավերը նոր գրոհներ պետք է ձեռնարկեն՝ չհավատալով, որ իրենք այդ օրը վերջնական հաղթանակ էին տարել<sup>35</sup>: Անվիճելի իրողությունն այն էր, որ Կ. Պոլսի մատույցները պաշտպանող ամրությունները շատ քիչ ռազմամթերք ունեին: Մարտի 18-ի երեկոյան ամերիկյան «Ասոչիեյթեդ պրեսի» թղթակից Ջորջ Ա. Շրայները, որն այցելել էր նեղուցների արհեստագիտական գլխավոր պաշտոնատար գորավար Մարտենսին, հավաստիացել էր, որ եթե մարտի 19-ին անգլիացիները կրկին գրոհը, ապա այդ օրն իսկ տոնելու էին հաղթանակը Կ. Պոլսի փողոցներում: «Համիտիե ամրոցը, որ ասիական եզերքին պաշտպանողական ամենեն հզոր դիրքն էր, զրա՛հ ծակող տասնյոթը ռումբ միայն ուներ. մինչդեռ Քիլիտ-յուլ-Պահը, որ եվրոպական եզերքին պաշտպանողական գլխավոր դիրքն էր ճիշտ տասը ռումբ ուներ»<sup>36</sup>:

Բայց անգլիական նավատորմը երբեք չվերադարձավ:

Անդրադառնալով Քիթչենների ծրագրին՝ անգլիացի Բարկերը պնդում է, որ եթե այն իրականացվեր, Օսմանյան կայսրության փլուզումը կատարված փաստ կլիներ արդեն 1915թ. վերջին: Այս դեպքում չէին լինի Դարդանեյի և Գալիպոլիի զոհերը, տեղի չէին ունենա հայկական կոտորածները, անհրաժեշտ չէր լինի զոհաշատ կռիվներ մղել Միջագետքում Գազայի կամ Պաղեստինի համար: Գերմանացի ֆելդմարշալ Հինդենբուրգը նույնպես զարմանքով էր նկատել, թե ինչու Եռյակ տերությունները չօգտվեցին Ալեքսանդրեթի թույլ օղակին հարվածելու հնարավորությունից՝ պարտության մատնելով Թուրքիային: «Այսպես վարվելու դեպքում նրանք կկարողանային կտրել Թուրքիայի անդրտավրոսյան երակը, որի վրայով Թուրքական ուժերը և հանդերձանքն ու սպառազինությունն ուղարկվում էին Սիրիա, Միջագետք և մասամբ կովկասյան բանակներին»: Հինդենբուրգը գրում է, որ Ալեքսանդրեթի ծովածոցը պաշտպանված չէր: Թուրքերը եղած ուժերը ուղարկել էին Սիրիա և Միջագետք: Այս մասին էնվերը խոստովանել էր Հինդենբուրգին, որ իր միակ հույսն այն էր, որ «Թշնամին չբացահայտեր մեր թուլությունը հենց այդ կրիտիկական կետում»<sup>37</sup>: Թշնամին, անշուշտ, քաջատեղյակ էր և թույլ կետերին և Դարդանեյի պարտության հեռանկարին: Նրան հետաքրքրում էր միայն Օսմանյան կայսրության ժառանգությունը տիրանալը, Ռուսաստանին այդ ժառանգությունից որքան հնարավոր է հեռու պահելը և այս տեսանկյունից Հայ կյանքը նրա համար որևէ նշանակություն չուներ:

Կեղծիքով էր տոգորված Թուրքիայում Գերմանիայի դեսպան ՎանդենՀայմի՝ 1914թ. օգոստոսի կեսերին ԱՄՆ-ի դեսպան Հ. Մորգենթաուի՝ Թուրքիայում քրիստոնյաների ջարդի վտանգի ահազանգին հղած պատասխանը, որ «Քանի դեռ Անգլիան չի գրոհում Գարդանեյը կամ որևէ թուրքական նավահանգստային քաղաք, անհանգստանալ պետք չէ... Հակառակ դեպքում ոչինչ հնարավոր չէ երաշխավորել»<sup>38</sup>: Իրականում, Գարդանեյի պարտությունն էր, որ կանաչ ճանապարհ բացեց թուրք ջարդարարների համար՝ սկսելու Հայ ազգի բնաջնջման

<sup>35</sup> Հենրի Մորգենթաուի հուշերը, էջ 186-187:

<sup>36</sup> Նույն տեղում, էջ 188:

<sup>37</sup> Barker A. J., The Mesopotamian Campaign of 1914-1918. The Bastard War, New York, 1967, p. 410.

<sup>38</sup> Օ հ ա ն ջ ա ն Ա . . , 1915 թվական: Անհերքելի վկայություններ, ավստրիական փախերազրերը Հայոց ցեղասպանության մասին, Ե., 1997, էջ 80:

նախօրոք ծրագրած իրենց դիվային մտահղացումների կենսագործումը: Արչավանքի ականատես ամերիկյան դիվանագետ Լուիս Էյնշտեյնը նշում է, որ երիտթուրքերը Դարդանեղից հետո պահը հարմար համարեցին իրենց հակահայկական քաղաքականության իրականացման համար<sup>39</sup>:

Այն, որ Դարդանեղում թուրքերի հաղթանակը վերջնականապես նրանց խրախուսեց Հայոց ցեղասպանության ծրագրի արագացման համար, հաստատում են մի շարք արևմտյան հեղինակներ: Այսպես, օսմանյան պատմության պատմագիրներից լորդ Քինրոսը գրում է. «Գալիպոլիում անգլիական զորքերի կրած անհաջողությունը երիտթուրքական եռյակին հնարավորություն ընձեռեց, չվախենալով արտաքին միջամտությունից, հետևելու նախապես մշակված քաղաքականությանը՝ Հայ ազգի վերացմանը»<sup>40</sup>: Դրան ի լրումն՝ Լ.Գիբբոնսի խոսքը. «Դաշնակիցների կողմից Դարդանեղի պաշարման սկզբին Կ. Պոլսում բոլորը գիտեին, որ հասել է ժամանակը, երբ Հայ ազգի՝ արդեն վաղուց հաստատված և միայն ժամանակավորապես Դ. Դուան և սերասկերատի արխիվներում թաքցված մահվան դատավճիռը վերջապես ի կատար կածվի»<sup>41</sup>: Ողբերգական է, բայց փաստ, որ Արևմտյան Հայաստանում թուրքիայի հայաբնակ տարածքներում իրականացվող տեղահանությունների և կոտորածների ամենաթեթև պահին մեծ թվով հայ զինորդներ թուրքական բանակի շարքերում կռվում և զոհվում էին Դարդանեղի չրջանի մարտերում՝ հանուն իրենց մայրերին ու քույրերին պատվազրկած և սրի քաշած պետության<sup>42</sup>:

Կ. Պոլսը գրավելու անդլո-ֆրանսիական առաջին փորձից հետո էլ, երբ ընդհուպ մինչև 1915թ. վերջը ֆրանսիական կողմի հետ անգլիացիները քննարկում և մերժում էին Ալեքսանդրեթի ծովածոց ափհանումը, երբ ցեղասպանությունն արդեն իր վայրագ զարգացման փուլում էր, դասեր չբաղելով Դարդանեղի չրջանում կրած առաջին պարտության հետևանքներից՝ անգլիացիները ձեռնարկեցին նույնաբնույթ երկրորդ արկածախնդրությունը:

1915թ. ապրիլի 25-ից մինչև 1916թ. հունվարի 9-ը դաշնակիցները թուրքիայի դեմ Կ. Պոլսի մատույցներում պլանավորում և իրականացնում են երկրորդ արչավանքը: Սուվլայի և Գապա-թեքի չրջաններում օգոստոսի 7-8-ին դեսանտ են հանում (մոտ 10 000 մարդ): Մի քանի ամիս տևած կատաղի մարտերում դերմանա-թուրքական միացյալ ուժերը կրկին հաղթանակ են տանում<sup>43</sup>:

Դարդանեղի ռազմական գործողությունների ժամանակ անգլիացիներն իրենց 400 հազար զորքից կորցրեցին 120 հազարը (չհաշված հնդիկներին): Թուրքիան կորցրեց 218 հազար զինվոր, այդ թվում՝ 66 հազար սպանված<sup>44</sup>: Այս խայտառակության հեղինակներից մեկը՝ Ու. Չերչիլը հետագայում իր բազմահատորյա հուշերում Հայոց ցեղասպանության իրականացման խթանման

<sup>39</sup> Einstein Lewis, Inside Constantinople. Former Minister Plenipotentiary of United States Diplomatic Service, New York, 1918, p. 7.

<sup>40</sup> Մեջբերումը տե՛ս Սահակյան Ռ., Հայոց ցեղասպանության պատմությունից, Ե., 1990, էջ 254, նաև՝ Lord Kinross, The Ottoman Centuries. The Rise and the Fall of the Ottoman Empire, London, 1977, p. 607.

<sup>41</sup> Гиббонс Г. А., Последние избиения в Армении, Петрозград, 1916, с. 26.

<sup>42</sup> Կիրակոսյան Ջ., Առաջին համաշխարհային պատերազմը և արևմտահայությունը 1914-1916թթ., էջ 326, նաև՝ Bryce J. and Toynbee A., նշվ. աշխ., էջ 3:

<sup>43</sup> Հարությունյան Ա. Հ., նշվ. աշխ., էջ 192:

<sup>44</sup> Готлиб В., նշվ. աշխ., էջ 182:

գործում ուղղափառականների խաղաղաժողովուրդների մասին կատարեց հետևյալ խոստովանությունը. «Ոչ մի կասկած չկա, որ այդ Հանցագործությունները մշակված է՝ քաղաքական նկատառումներով: Թուրքերը ժամանակը գտան Հարմար... երկիրը մաքրելու՝ քրիստոնեական ուսույթից... Լիովին հնարավոր է, որ Գալիպոլի թերակղզու քրիստոնեական գրոհն էլ ավելի ուժեղացրեց թուրքական կառավարության կատաղությունը»<sup>45</sup>: Սա, իհարկե, հետագայում կատարված խոստովանություն էր, իսկ 1915-1916թթ. իրականությունն այն էր, որ ցեղասպանության ընթացքում ոչ միայն Ու. Ջերիլը, այլև անգլիական քաղաքական գործիչները շարունակում էին եղեռնի ենթարկվող ժողովրդի մոլորեցման և ոճրի ուրացման ապագա գործընթացի սկզբնավորումը: Այդ ուրացումը դրսևորվեց Թուրքիայի դեմ իրականացվող ռազմական գործողությունների ողջ ընթացքում և սերտորեն կապված է Հայ ժողովրդի կամավորական շարժման միջոցով, սեփական ուժերով ինքնափրկման իղձերի և այդ ձգտումները կաշկանդող քրիստոնեական ռազմադիմադրությունյան նպատակներին հետ:

Պոզոս Նուբարի՝ Հայ կամավորական շարժում կազմակերպելու առաջարկի հետ գրեթե միաժամանակ նմանատիպ ծրագրեր սկսեցին առաջ քաշել անգլիական իշխանությունների առջև տարբեր երկրներում բնակվող Հայ ժողովրդի զավակները: Դրանք ուղղված էին ոչ միայն ցեղասպանության ենթարկվող Հայրենակիցների փրկությանը այլև օսմանյան Թուրքիայի դեմ կոչող Անտանտի Հաղթանակին իրենց նպաստը բերելուն:

1915թ. ապրիլին ԱՄՆ-ում Անգլիայի դեսպան Սպրինգ Ռայսը ԱՄՆ-ում ռուսական դեսպանի միջոցով տեղեկացավ, որ Հայերը առաջարկում են Կանադայի միջոցով 1000 կամավորներ ուղարկել մասնակցելու «Կիլիկիայում իրականացվող ռազմական գործողություններին»: Կամավոր «Հայերը պատրաստ էին վճարել ռազմական հանդերձանքի և կանադական նավահանգիստ փոխադրվելու համար», այն հույսով, որ անգլիացիները կօգնեն իրենց տեղափոխվել Կանադայից Կիլիկիա: Ապրիլին 25-ին Ֆորին օֆիս ուղարկված<sup>46</sup>, իսկ ապրիլի 26-ին պատերազմական խորհրդի քննարկմանը դրված այս առաջարկը անգլիական ռազմադիմադրությունյան կողմից մերժվեց<sup>47</sup>: Անգլիական կառավարության ուղղված նմանատիպ կոչերն ու ուղերձները, առաջարկներն ու աղերսները շարունակվեցին Առաջին աշխարհամարտի և Հայոց ցեղասպանության ողջ ընթացքում: 1915թ. հուլիսին Ամերիկայի Ազգային պաշտպանության Հայկական կոմիտեն, Եգիպտոսում անգլիական բանակի գլխավոր հրամանատար Ջոն Մաքսվելին «նկարագրելով Կիլիկիայում ստեղծված իրավիճակն ու ներկայացնելով Փոքր Ասիայի որոշ մասերում քրիստոնեական ռազմական գործողությունների իրականացման» նախապատվությունը, առաջարկում էր այդ գործին զինվորազրկել եգիպտահայերին, որոնք հազարներով պատրաստ են կամավորագրման և պատերազմ մեկնելուն<sup>48</sup>: Ազգային պաշտպանության Հայկական կոմիտեն, համաձայն Եգիպտոսում անգլիական զեբազույն կոմիսար Հենրի Մակվահոնի, «այլևս չկարողանալով տանել Հայերի ամենօրյա կոտորածների մասին ստացվող լուրերը, թույլտվություն էր խնդրում ուժերը կենտրոնացնելու Կիպրոսում և

<sup>45</sup> Герчилл У., Мировой кризис, М.-Л., 1932, с. 237, մեջբերումն ըստ՝ Արդյունաշյան Ս., Հայաստան 1914-1917, Ե., 1969, ՎՊ 305:

<sup>46</sup> Foreign Office (այսուհետև՝ FO), 371/2485/49516.

<sup>47</sup> FO 371/2485/51438, նաև՝ FO 371/2485/51430/folio 15.

<sup>48</sup> FO 371/2485/100762.

ափհանում կատարելու Մերսինում»։ Հայերի կարծիքով, Կիլիկիայում իրականացվելիք Հայկական ռազմական գործողությունները կաթվածահար կանեին թուրքական յուրաքանչյուր զինվորական կարգի տեղաշարժը Փոքր Ասիայում։ Անգլիացիներին առաջարկվում էր զինել 10 հազար հայ մարտիկների<sup>49</sup>։

Դեպի Կիլիկիա հայկական արշավանք կազմակերպելու նույն առաջարկությունը Անգլիայի արտաքին գործերի նախարարությունում ստացվեց հուլիսի 19-ին՝ այս անգամ. Լոնդոնում ռուսական դեսպանության միջոցով<sup>50</sup>։ Բայց անգլիական զինվածազորությունը հետամուտ էր հայերին այլ նպատակներով օգտագործելուն, նրան ոչ մի առումով ձեռնադրելու չէր զինված հայերի միավորումներ ստեղծելը, այն էլ իր հովանոյ ներքո։ Այդ գնեք մի օր կարող էր շուտ գալ իր դեմ։ Այդ էր պատճառը, որ օգոստոսի 24-ին արտաքին գործերի նախարար Էդ. Դեյլը խիստ հրահանգավորեց Եգիպտոսի անգլիական իշխանություններին՝ որևէ կերպ ընթացք չտալ Կիլիկիայում հայերի կամավորական շարժմանը<sup>51</sup>։ Էդ. Գրեյը քաջատեղյակ էր ամերիկահայերի շրջանում ծնված կամավորական շարժման գաղափարին ոչ թե Լոնդոնի և Վաշինգտոնի ռուսական դեսպանների շնորհիվ, այլ Ամերիկայի Ազգային պաշտպանության հայկական կոմիտեի՝ դեռևս 1915թ. մարտի 23-ին անձամբ իրեն հասցեագրված նամակից։ Այդ այն ժամանակն էր, երբ անգլիական նավատորմը մի քանի օր էր, ինչ ջախջախվել էր Բոսֆորի ափին, և կրկին անգլիական կառավարության առջև, որպես այլընտրանք, բարձրացվել էր Քիթչենների՝ Ալեքսանդրեթի ծովածոցում արշավանք նախաձեռնելու ծրագիրը։ Նախարարը դիմում առաջարկով տեղեկացվել էր, որ կոմիտեն արդեն ձեռնամուխ է եղել կամավորական խմբերի ստեղծմանը և Կիլիկիա ուղարկելուն։ Կոմիտեի նախագահ Լևոն Միհրանյանի կարծիքով, հայերի կողմից Կիլիկիայում սկսվելիք ռազմական գործողությունները խափանելու էին թուրքերի հնարավոր արշավանքը Եգիպտոս և վերացնելու էին Եգիպտոսում անգլիացիներին սպառնացող վտանգը։ Քիթչենների հետ ընդհանուր շատ դուրսեր ունեցող այս ծրագիրը հանգում էր Ալեքսանդրեթի ծովածոցում ռազմական գործողությունների իրականացմանը<sup>52</sup>։ Անգլիական իշխանություններին ուղղված այս և նմանատիպ տասնյակ դիմումները դատապարտված էին կամ լուրջության մատնվելուն, կամ մերժվելուն։ Նմանատիպ, թերևս ավելի բացասական վերաբերմունքի արժանացան միջերկրածովափի սուեզահայերի առաջարկները։

1915թ. հուլիսին Անտիոքի ծովախորշի մերձակայքի վեց հայկական գյուղերի բնակիչները, թուրքական իշխանություններից ստանալով տեղահանման մասին որոշումը և լավատեղյակ լինելով սպասվող աղետալի հետևանքներին, որոշեցին ընդդիմանալ և ինքնապաշտպանության նպատակով հանդիմանեցին Միջերկրականի ափին գտնվող Մուսա լեռան բարձունքներում։ Հուլիսից սեպտեմբեր շուրջ 5000 սուեզահայերի մղած ինքնապաշտպանական հերոսական մարտերը թշնամու գերակշիռ ուժերի պատճառով մոտենում էին իրենց տխուր վախճանին։ Փրկության միակ հույսը ծովում դեգերող Անտանտի երկրների ռազմաօդային էին<sup>53</sup>։ Փրկություն աղերսող բազմաթիվ նամակներն ու սուեզահայերի, որոնք ուղարկվում էին անգլիական ռազմաօդային և իշխա-

<sup>49</sup> FO 371/2485/100769.

<sup>50</sup> FO 371/2485/112136/15.

<sup>51</sup> FO 371/2485/115866/15.

<sup>52</sup> FO 371/2485/41444.

<sup>53</sup> Барби Анри, В стране ужаса. Мученица Армения, Тифлис, 1919, с. 64.

նություններին, մնում էին անպատասխան: Ավելի քան 4000 մուսալեուցիներ փրկվեցին միայն սեպտեմբերի 14-ին, ֆրանսիացիների կողմից և տեղափոխվեցին Անդլիայի ենթակայության տակ գտնվող՝ Եգիպտոսի Պորտ-Սայդ նավահանգիստ<sup>54</sup>: Անգլիացիները Մուսալեուս հայերին սպառնացող վտանգի մասին Լոնդոնում տեղեկացվեցին 1915թ. օգոստոսի 10-ին, Հ. Մակմահոնի կողմից: Վերջինս դեռևս օգոստոսի 7-ին, Կիպրոսում անգլիական զբոսաշրջության կոմիսարից ծանուցվել էր, որ «6000 հայեր քաջաբար կռվում են թուրքերի դեմ Ջեբել Մուսայում՝ Անտիոքի ծովածոցի մոտ: Ծովակալը (Սիրիական ծովածոցի ֆրանսիական ծովակալը-Տ. Ս.) բավարարել է նրանց խնդրանքը՝ ապահովելով պարենով և զինամթերքով: Բայց նրանք խնդրում են 5 հազար ծերերի, կանանց և երեխաների փոխադրումը Կիպրոս»: Կիպրոսի Գերագույն կոմիսարը, «քաղաքական տեսանկյունից անցանկալի համարելով» ապստամբ հայերին «Կիպրոսի թուրք և քրիստոնյա խառը բնակչության մեջ բնակեցումը», անհնարին էր համարում նրանց ապաստան տալը<sup>55</sup>: Մուսալեուցիներին Եգիպտոսում ապաստան տրամադրելը մերժեց նաև Հ. Մակմահոնը<sup>56</sup>: Լոնդոնի, Եգիպտոսի և Կիպրոսի քաղաքական իշխանություններին հակադիր կեցվածք բռնեց գեներալ-մայոր Ջ. Մաքսվելը, որը լորդ Քիթչենների հղած գաղտնի հեռագրում խորհուրդ էր տալիս ամեն կերպ աջակցել հայերի հակաթուրքական շարժմանը, մուսալեուցիներին տեղափոխել Հոտդոս կամ Կիպրոս կղզիներ և դրանով չեղել թուրքերի ուշադրությունը Դարդանեղից: Ջ. Մաքսվելը ցանկալի էր համարում մուսալեուցիներին ընդունելու նպատակով Կիպրոսի իրենց իշխանությունների նկատմամբ որոշակի ճնշում գործադրելը<sup>57</sup>: Կիպրոսն այն կղզին էր, որը չուրջ կես դար առաջ պատճառ էր դարձել հայի կյանքը բարելավելուն՝ միտված Սան-Ստեֆանոյի 16-րդ հոդվածը Բեռլինի կոնֆերանսում անգլիացիների կողմից 61-ով փոխարինելուն, օսմանյան թուրքիայի տարածքային անձեռնխելիությունը անգլիական երաշխիքին տրամադրելուն և հետագայում հայերի ոչնչացման քաղաքականության սկզբնավորմանը: Մինչև սեպտեմբերի 14-ը Լոնդոնից որևէ պատասխան չստացվեց:

Ֆրանսիական ծովակալ Դարտիթ դյու Ֆուրնեն, չունենալով ոչ մի դրական պատասխան, այդ թվում և իր կառավարությունից, իր անձնական պատասխանատվությամբ Մուսալեուս վրա հանգրվանած ժողովրդին հրամայում է փոխադրել ֆրանսիական հինգ մարտանավերը՝ «Գիչեն», «Դեզե», «Ֆուդր», «Լ'ադմիրալ Շարնե», «Էստրե»<sup>58</sup>, որոնք էլ հայերի համար դարձան փրկության միակ տապանները:

Լոնդոնից պատասխանը ստացվեց սեպտեմբերի 14-ին, այն նույն օրը, երբ ֆրանսիացիները մուսալեուցիներին տեղափոխել էին անգլիական Պորտ Սայդ նավահանգիստը: Կահիրե և Փարիզ Լոնդոնից հղված հեռագիրը որքան ապշեցուցիչ, այնքան էլ անմարդկային էր: Դրանով Նորին մեծության կառավարությունը մերժում էր մուսալեուցի վերապրածներին իրեն ենթակա որևէ երկրում, որևէ տարածքում ապաստան տրամադրելը: Ավելին, Փարիզ հղած նամակով անգլիացիները խորհուրդ էին տալիս ֆրանսիական կառավարությանը հայերին տեղափոխել Ալժիր<sup>59</sup>: Հիասթափությունը մեծ էր Լոնդոնում, երբ իմացան, որ

<sup>54</sup> Յուլյանական մեծ եղեռնի, 1915-1916, Պեյրուֆ, 1965, էջ 774:

<sup>55</sup> FO 371/2490/129419.

<sup>56</sup> FO 371/2490/129497/129419.

<sup>57</sup> FO 371/2490/130257.

<sup>58</sup> Ս ա հ ա կ յ ա ն Ռ . . , նշվ. աշխ., էջ 188:

<sup>59</sup> FO 371/2490/131046.

մերժման օրը գաղթականները ապաստան էին գտել Եգիպտոսի Պորտ Սայդ նավահանգստում: Կացարաններում գիշերող հիվանդ ծերունիները, կանայք, երեսներն անտեղյակ էին, որ փրկության օրվա գիշերը, Լոնդոնից հղած հեռագրերում անգլիացի դիվանագետները Փարիզից պահանջում էին սուեզական ճանապարհի Պորտ Սայդից որևէ այլ տեղ տեղափոխել, միայն թե՝ անգլիական ենթակայությունից դուրս<sup>60</sup>: Բարեբախտաբար, անգլիացիների այս պահանջը որևէ ընթացք չստացավ:

Ինքնապաշտպանական մարտերում կոփված անկոտրում մուսալեուցիները փրկությունից մի քանի օր անց՝ սեպտեմբերի 19-ին, Եգիպտոսի գինված ուժերի գլխավոր հրամանատարին առաջարկեցին տրամադրել 600 կամավորներ, զենք ու զինամթերք ստանալուց հետո Ֆրանսիական նավերով տեղափոխվել Փոքր Ասիայի կամ Սիրիայի որևէ վայր՝ շարունակելու իրենց պայքարն ընդդեմ թուրքերի: Սեպտեմբերի 21-ին Լոնդոնից լորդ Քիթչեններից ստացվեց հետևյալ պատասխանը. «Տորին օֆիսը կարծում է, որ հայերի նախաձեռնության ողջ պատասխանատվությունն ու նախապատրաստությունը պետք է թողնվի Ֆրանսիացիներին»<sup>61</sup>: Քանի որ եգիպտական իշխանությունները մինչև հոկտեմբերի կեսը պատասխան չստացան Ֆրանսիացիների դիրքորոշման վերաբերյալ, ուստի առաջացավ հայ գաղթականներին Գալիպոլի տեղափոխելու և այնտեղ չինարարական ջոկատներում շահագործելու գաղափարը<sup>62</sup>: Բարեբախտաբար, այս ծրագիրը նույնպես կյանքի չկոչվեց:

Ֆրանսիան միայն 1916թ. սեպտեմբերին հաջողեց ձեռք բերել հայ կամավորներին Կիպրոսում մարզելու վերաբերյալ Անգլիայի համաձայնությունը: Այդ գործին իր ակտիվ մասնակցությունը բերեց Հայոց ազգային պատվիրակության նախագահ Պողոս Նուբարը: 1916թ. հոկտեմբերի 27-ին Լոնդոնում նրա, ժ. Պիկոյի և Մ. Սալքսի հանդիպման ժամանակ հստակեցվեցին հայ կամավորներից Ֆրանսիական բանակում Արևելյան (Հայկական) լեգեոնի ստեղծման վերջնական մանրամասները: Ըստ այդ համաձայնության, Արևելյան լեգեոնը հետագայում դառնալու էր Կիլիկիայում ստեղծվելիք հայկական բանակի կորիզը<sup>63</sup>: Հայ տարագիրներից Կիպրոսում լեգեոն կազմակերպելու Ֆրանսիական կառավարության պաշտոնական որոշումը կայացվեց 1916թ. նոյեմբերի 28-ին<sup>64</sup>: Արևելյան լեգեոնի կորիզը կազմեցին այն 600 մուսալեուցիները<sup>65</sup>, որոնք մեկ տարուց ավելի ակնկալում էին անգլիական իշխանությունների թուլլովությունը կռվելու և մեռնելու իրենց հայրենակիցներին մահվան գեհնն ու անապատներն ուղարկող պետության դեմ:

Մուսալեուցիների նկատմամբ անգլիական քաղաքական կեղծարարության ու հայագավ վերաբերմունքի սքողման փորձը հասավ այն աստիճանի, որ 1915թ. վերջին անգլիական պառլամենտում տեղի ունեցած քննարկումներից մեկի ժամանակ արտաքին գործերի փոխնախարար լորդ Ռ. Սեսիլն ասաց. «Կառավարությանն ուղղված մեր խնդրանքներից մեկը եղել է այն, որ բրիտանական բանակներն ու

<sup>60</sup> FO 371/2490/131502/129419.

<sup>61</sup> FO 371/2490/147496/129419.

<sup>62</sup> Նույն տեղում:

<sup>63</sup> Սահակյան Ռ. Պ., Թուրք-Հայկական հարաբերությունները և Կիլիկիան 1919-1921թթ., Ե., 1970, էջ 113, նաև՝ Հայ ժողովրդի պատմություն, Հ. VI, էջ 561:

<sup>64</sup> Գարամանյան Ս., Հայկական լեգեոնը. պատմական, իրավական և քաղաքական հարցերու լույսի տակ և վավերագրեր, Պեյրուֆ, 1974, էջ 42:

<sup>65</sup> Հայ ժողովրդի պատմություն, Հ. VI, էջ 562:

նավերը պետք է, որտեղ որ հնարավոր է, անեն ամեն հնարավորը փրկելու այն հայերին, որոնք մազապուրծ են եղել կոտորածներից, ինչպես գա արել են Փրանսիական նավերն այն 4000 հայերի նկատմամբ, որոնց հնարավորություն է ընձեռվել ափհանել Եգիպտոսում»։ Իբր թե «նման կարգի հրահանգներ արդեն ուղարկվել են» նաև անգլիական զինված ուժերին<sup>66</sup>։ Հայոց ցեղասպանությունից շուրջ ինը տասնամյակ անց, հենվելով անգլիական արխիվային փաստաթղթերի վրա, վստահորեն կարող ենք ասել, որ լորդ Սեսիլը Հրապարակայնորեն ստում էր։

Անգլիական զինվորական հետախուզության ղեկավար, գեներալ-մայոր Մակդոնոգը առաջարկում էր մուսալեուցիներին, նախքան Արևելյան լեզեռնի կազմակերպումը, որպես ջորեպաններ ուղարկել Սալոնիկ՝ այս մարդկանց մեջ ընգրկելով այն 179 հայ ռազմագերիներին, որոնք գերեվարվել էին Թուրքիայի դեմ Անգլիայի մղած ռազմական գործողությունների ընթացքում և որպես ռազմագերիներ արգելափակվել Հնդկաստանի բանտերում<sup>67</sup>։ Հայ ռազմագերիներին ազատ արձակելու պատրաստակամության վերաբերյալ Հնդկաստանի կառավարության համաձայնությունը ստացվեց 1916թ. հուլիսի 17-ին<sup>68</sup>։ Նրանք պետք է ընգրկվեին Կիպրոսում ստեղծվելիք Հայկական զորամիավորման մեջ։ Նմանատիպ դիմում ամերիկահայ կազմակերպությունների կողմից եղել էր 1916թ. հունիսի 8-ին։ Ըստ այդմ, Հնդկաստանի Սումերպուր քաղաքում արգելափակված հայ ռազմագերիները անգլիական իշխանություններին խնդրում էին իրենց ընդգրկել Միջագետքում գործող անգլիական բանակի շարքերը կամ, «եթե դա անցանկալի էր, միանալու Կովկասի հայ կամավորներին»<sup>69</sup>։ Իսկապես, պատերազմական նախարարությունը այդ ռազմագերիների ծառայությունը համարեց «անցանկալի»<sup>70</sup>։ Ուշագրավ է, որ Սալոնիկում որպես ջորեպաններ ծառայելու՝ Եգիպտոսում անգլիական իշխանությունների առաջարկին մուսալեուցիները պատասխանեցին անտարբերությամբ։ Ներքին գործերի նախարարությունը հղած զեկուցագրերից մեկում եգիպտական ղեկավարությունն այս փաստը բացատրում էր նրանով, որ մուսալեուցիները «կաշառվել էին հայ հոգևորականների և քաղաքական գործակալների կողմից»։ Ընդհուպ մինչև 1916թ. սեպտեմբերի վերջերը անգլիացիները հիմնախնդիր էին համարում սուեզահայերին Միջերկրական ծովափի՝ արդեն Փրանսիացիների կողմից նվաճված տարածքներում վերաբնակեցնել<sup>71</sup>։ Հակառակ հայազավ այս դիրքորոշման, 1916թ. հոկտեմբերին անգլո-ֆրանսիական կառավարությունների միջև կայացած Կիպրոսում Արևելյան լեզեռն ստեղծելու մասին համաձայնությամբ, հաջորդեց զորամիավորման մեջ ընդգրկել նաև Հնդկաստանում գտնվող թուրքահայատակ հայ ռազմագերիներին։ Հնդկաստանի գործերով նախարարությունը նրանց ազատ արձակման համաձայնությունը տվեց 1916թ. հոկտեմբերի 24-ին<sup>72</sup>։

Ընդհանրացնելով Հայոց ցեղասպանությանը նախորդող չրջանի և նրա ընթացքում անգլիական ռազմադիվանագիտության դրսևորած փաստավավերագրական նյութը՝ պետք է նշել, որ եթե անգամ իրականացվեր Հ.Քիթչենների Ալեքսանդրեթի ծովածոց ափհանումը և այդ ուղղությամբ ռազմական գործողու-

<sup>66</sup> The New York Times, 9. XII. 1915, նաև՝ FO 371/2488/172811.

<sup>67</sup> FO 371/2769/167600/6.

<sup>68</sup> FO 371/2769/172707/12.

<sup>69</sup> FO 371/2769/13.

<sup>70</sup> FO 371/2769/14.

<sup>71</sup> FO 371/2769/27-28.

<sup>72</sup> FO 371/2769/214212/51.

թյունների նախաձեռնումը, որն իրավամբ փրկարար նշանակություն կունենար Հայ ժողովրդի Միջադեպի անապատներում դեգերող վերապրող մասի փրկության համար, Հայ կամավորական շարժմանն այդ առնչությամբ անգլիացիների կողմից որևէ դեր չէր վերապահվում: Իրա հաջող իրականացման դեպքում, եթե անգամ չկանխվեր Հայ ժողովրդի դեմ իրականացվող ոճիրը, ապա առնվազն կնվազեցվեին դրա չափերը: Պատմական ճշմարտությունն այն է, որ ինչպես Ալեքսանդրեթի շրջանում անգլիացիների կողմից ռազմական գործողություններ վարելը, այնպես էլ Հայ կամավորական շարժման խթանումն ամեն կերպ Հակասում էին Մերձավոր արևելքում վերջնական գերիշխանության հաստատման ձգտող անգլիական դիվանագիտության շահերին<sup>73</sup>: Այս փաստը բացատրվում է տարածաշրջանում անգլո-ֆրանսիական մրցակցությամբ և տարածայնությամբ: Այս է պատճառը, որ 1916թ. նոյեմբերին ղեկավարությամբ ստեղծված Արևելյան լեգեոնը պատերազմական գործողությունների մասնակցեց միայն 1918թ. սեպտեմբերի 19-ից, այն էլ Պաղեստինի ճակատում<sup>74</sup>: Պատերազմում Թուրքիայի պարտությանը մնացել էր մեկ ամսից քիչ ավելի, իսկ նրա տարածքում բնակվող Հայ տարրը «Հայասեր» Անգլիայի աջակցությամբ արդեն ոչնչացված էր:

## ГЕНОЦИД АРМЯН В ОСМАНСКОЙ ИМПЕРИИ И ВОЕННАЯ ДИПЛОМАТИЯ ВЕЛИКОБРИТАНИИ (1915-1916гг.)

САРУХАНИЯН Т.Н.

### Резюме

Англия выработала два альтернативных плана военно-морской экспедиции против Турции, первым из которых была Дарданельская экспедиция, открывавшая зеленый путь младотурецкой администрации для осуществления давно уже выработанного ею плана – истребления армян. Закончилась эта экспедиция беспрецедентным в истории Англии результатом: поражением английского непобедимого военно-морского флота.

По второму плану намечалась высадка десанта в Александретском заливе. С этим планом были созвучны идеи и программы многих армянских общественно-политических кругов. Справедливости ради нужно отметить, что осуществление этого второго плана могло бы иметь решающее, если не предотвращающее значение в вопросе геноцида армян. Однако английская военно-политическая верхушка предпочла первый план У. Черчилля-Л. Джорджа, отклонив план Военного министра Великобритании Г. Китченера. Более того, на протяжении всей Первой мировой войны английская военная дипломатия не только не способствовала армянскому добровольческому движению, а наоборот, всеми возможными методами препятствовала ему. Это подтверждается нововыявленными английскими архивными документами.

<sup>73</sup> Գառնարյան Ե. Ա., Ֆրանսիան և Մեծ եղեռնը, Ե., 1997, էջ 28:

<sup>74</sup> Հայ ժողովրդի պատմություն, Հ. VI, էջ 562: